

宋

會

要

此當入郊祀  
禋祀感生  
帝後

宋會要

孝宗乾道元年正月一日親郊以皇子鄧王惲為亞獻  
恭王惲為終獻 六年十一月六日親郊以皇子慶王  
愷為亞獻恭王惲為終獻 九年十月九日親郊以皇  
太子為亞獻皇兄永陽郡王為終獻 淳熙三年十一  
月十二日親郊於園壇以皇太子惲為亞獻永陽郡王

居廣為終獻 十二年九月十四日詔親郊以皇太子  
惇為亞獻嗣濮王士欽為終獻別廟以恩平郡王璩為  
初獻滎陽王伯圭為亞獻昭慶軍節度使提舉佑神觀  
士峴為終獻 同日詔親郊皇帝安慶軍節度使平陽  
郡王擴令陪祠

全唐文

宋會要 郊祀壇殿東次上

紹聖三年  
以爲北郊

聖朝自太祖以來每行郊禮皆營構青城幄殿即周禮之大次也又於東壇門外設更衣殿即周禮之小次也哲宗元祐九年正月詔重修黑壇齋宮 紹聖三年五月三日工部侍郎王宗望等言瑞聖園宴殿偏在南北隅逼近街道不唯將來陳列儀衛喧金魚輅出入由厯正門難以迂曲其殿庭西廊外至園牆上濶四十步若修葺望祭殿委是窄狹今比類南郊青城擬移近東充齋殿直本園南北門修葺從之 六月乙酉詔立北郊齋宮於瑞聖園 六月二十七日權尚書禮部侍郎

黃裳等言臣等相視北郊瑞聖園與南郊青城皆方三百步若以瑞聖園為帷宮最是近便其宴殿可以為齋宮即殿之西北為望祭殿以備陰雨詔入內內侍省選差使臣與工部同繪圖聞奏 四年九月二十一日管幹修葺北郊帷宮所言元詔別立望祭殿今來帷宮之東見建登成殿可以充望祭之所乞下禮官審議禮部太常寺言登成殿係車駕觀穀遊幸之處若遇親祠北郊權充望祭所恐非朝廷專為祠神之意詔候將來禮畢令有司申請 元符元年六月將作監言被詔修建南郊青城齋宮今已繪圖進稟緣大禮日逼望且先次修建寢殿等餘候禮畢興修宮外城圍亦預計工力從

之十一日工畢凡為屋九百一十三間 帝幸瑞聖園  
觀新城北郊齋宮故事郊宮悉設以幕帟其費不貲上  
命繕營不日而成三歲一郊次舍之費纔帛三十餘萬  
工又倍之易以屋室一勞永逸所省多矣 徽宗崇慶  
二年六月八日試給事中詳定編修大禮勅令鄧洵仁  
等言昨修建南北郊齋宿宮殿南郊曰齋宮北郊曰帷  
宮事體如一而名稱不同今欲並稱齋宮 十五日編  
修大禮勅令所言將來北郊若依南郊例百官並宿青  
城竊恐盛夏幕次逼窄今有廢草場地與青城及方丘  
相近請宰執親王使相執正侍從官六曹尚書侍郎並  
設次青城内餘就草場設次從之 政和四年四月十

九日詔夏祭齋宮大內門曰廣禋東偏門曰東秩西偏門曰西平正東門曰合光正西門曰咸亨正北門曰至順南門裏大殿曰厚德東曰左景華西曰右景華正殿曰厚德便殿曰受福曰坤珍曰道光亭曰永休

中興禮書

高宗紹興二年二月五日太常少卿程瑀等言已降指揮令臨安府於城外東南已地踏逐祀天去處本府見踏逐城外東南妙覺院屋四間城內天寧觀屋五間今相視得妙覺院屋係面東兼出城遙遠不可用城外東南別無寺院若令創行修建有礙近降權住修造指揮若止就城內天寧觀望祭又近降指揮合於城外東南

望祭今來合取自朝廷指揮詔權於天寧觀望祭 六  
年正月十五日禮部言準都省批下太常少卿何慤尋  
劄子近準省劄勘會圓邱方澤社稷之祭見於臨安府  
天慶觀小屋三楹卑陋湫隘軍民雜居喧怒雜亂深屬  
不便劄付寺同臨安府於城內外空閑去處別行踏逐  
申尚書省今同共踏逐到城外惠照院見今空閑堪充  
望祭齋宮其屋宇與見今齋宮頗同除廊門屋三間欲  
還寺僧依舊居住及別援屋兩間安頓佛像外其餘堪  
充齋宮屋宇去處合行修葺辟截門窓籬壁之類乞下  
臨安府施行更合取自朝廷指揮後批送禮部本部相  
度欲依所乞施行詔依 十三年正月十九日禮部太



常寺言准紹興十二年十二月十一日勅節文來歲大禮乞用南郊冬祀之儀庶幾壇陛日時克符象類上應祖宗之故事遠合古昔之盛典詔令禮部太常寺討論禮制申尚書省今討論國朝禮制圓壇在國之東南壇之側建青城齋宮以備車駕出郊宿齋今欲令臨安府詳前項禮制於行宮東南城外先次踏逐可以修建圓壇并青城齋宮去處申處朝廷指揮候降下逐旋討論其餘合行禮制詔依討論到事理施行 二月十四日詔將來郊祀齋宮更不修葺止令計置幕殿 三月八日權禮部侍郎王賞等言檢會在京青城宮殿大內門曰泰禋東偏門曰承和西偏門曰迎禧正東門曰祥曦

正西門曰景耀後門曰拱極大殿門曰端誠大殿曰端誠便殿曰熙成所有將來郊祀大禮如車駕前一日赴青城宿齋欲乞令儀鸞司同臨安府預先於已踏逐地步內體倣前項青城制度隨宜絞縛所有行事執事陪祀官宿齋幕次亦乞令臨安府同儀鸞司預先踏逐側近寺院貼占釘設排辦詔依令隨宜絞縛不得侈大施行仍不得建造瓦屋同日王賞等又言勘會將來郊祀大禮依禮例合修葺望祭殿契勘在京圓壇望祭殿係五間周圍重廊等今欲乞從太常寺具合用間例畫圖報臨安府預先修葺施行詔並令絞縛幕屋同日王賞等又言勘會國朝禮例每遇冬祀大禮依儀皇帝

宿齋三日內一日於大慶殿一日於太廟一日於青城  
所以將來郊祀大禮宿齋未審依前項禮儀唯復依紹  
興十年明堂大禮禮例並於前殿宿齋詔依祖宗禮例  
施行不得創造齋殿 十九日禮部太常寺言少保保  
成軍節度使兼領殿前都指揮使職事楊存中等劄子  
踏逐到龍華寺西空地一段東西長二百二十步南北  
長一百八十步修築圓壇除壇及內壝丈尺依制度使  
用地步九十步外其中壝外壝欲乞隨地之宜用二十  
五步分作兩壝外有四十步若依前項地步修築車輅  
儀仗禁衛可以排列所有龍華寺側近地步修築青城并  
望祭殿委是圓備小帖子開說圓壇丈尺係冬祀大禮

昊天上帝壇緣將來行郊祀大禮係合祭昊天上帝皇  
地祇并從祀共七百七十一位詔依尋令合千人打量  
合用丈尺相視今來圓壇依倣舊制及郊祀所設神位  
鋪設祭器登歌樂架酒尊前導路及皇帝飲福位等共  
合用第一成縱橫七丈第二成縱廣一十二丈第三成  
縱廣一十七丈第四成縱廣二十二丈分一十二陞每  
陞七十二級三壝第一壝去壇二十五步中壝去第一  
壝一十二步半外壝去中壝一十二步半并燎壇之制  
方一丈高一丈二尺開上南出戶方六尺三出陞在壇  
內二十步丙地修建今契勘所建圓壇并燎壇即未審  
合令是何官司管認修建詔令臨安府同殿前司修建

會用七月二十三日庚時興工至十月二十二日畢工宋  
要其後畢工監修官屬並轉一官選人凡類施行

六月十二日權禮部侍郎王賞等言甚會將來郊祀  
大禮已降指揮前一日於太廟宿齋緣今來太廟止有  
大次瓦屋五小間外未曾建置齋殿若行申明就大次  
後修蓋齋殿有礙近降不得創建齋殿指揮若不申明  
又恐將來車駕至太廟未有宿齋殿宇伏望更賜取旨  
施行詔令儀鸞司絞縛幕次 十三日皇城司言知臨  
安府王暎劄子照會將來郊祀大禮所有青城齋宮合  
用絞縛物料係本府應辦即未見得的實合起蓋屋宇  
間架深濶丈尺數目及皇城四壁地步去處欲望劄下  
禁衛所皇城司等處將合起齋宮屋宇間架丈尺數目

并皇城四壁分明標遷地步關報儀鸞司同本府前去  
檢計實用物料以憑預行計置施行本司隨宜相度到  
下項 一熙成殿前東西兩廊各設廊屋五間殿後貯  
廊并兩廊各設三間及後擁舍並係充十閤分事務等  
一端誠殿并端誠殿門係受賀殿宇所有殿前合設  
班位本司即不見得立班員數竊慮至時妨闕乞下閤  
門等處相度施行 一端誠殿門外東西壁附近寢殿  
慮致喧闌並合辟截不通過往并端誠殿門外合設宮  
門及宮門外合設皇城門其面南門內中道門係御路  
東西兩偏門放行事百官等并應奉人入出其周圍並  
係皇城即不見得皇城内置局應奉官司及宿齋臣僚

幕次本司即難以標還廣潤丈尺乞下所屬相度施行

一皇城裏合差親事官擺鋪除擗截不通過往更不差人外合設二鋪每鋪六人各合用自方八尺鋪屋一間並乞以本司兵幕充詔依 七月十三日禮部太常

寺言勘會今來郊祀大禮依議設小次於壇午階下之東西向乞令儀鸞司依禮例絞縛釘設排辦詔依

後皆依此

八月七日禮部太常寺言勘會依議設小次於圓壇

外墻東門之內道北南向所有今來郊祀大禮合設大次欲乞令儀鸞司同臨安府預行計置絞縛釘設詔依

後皆依此

十日禮部太常寺言將來郊祀大禮前二日朝

獻景靈宮欲乞依在京禮例就齋殿設大次乞下儀鸞

司預先相度前期釘設排辦詔依

後皆依此

十三日禮部

太常寺言今續條具到事件下項 一勘會將來郊祀

大禮依儀於壇之東南修築燎壇於壇之西北開掘瘞

坎今來除燎壇已降指揮令殿前司臨安府修築外所

有瘞坎亦乞令殿前司臨安府計會一就開掘 一勘

會將來郊祀大禮前二日朝獻景靈宮依儀於殿之東

南修築燎壇乞依自來大禮例令修內司計會隨地之

宜修築詔依 二十三日禮部太常寺言勘會已降指

揮令臨安府同殿前司修築圓壇并令儀鸞司臨安府

絞縛青城并望祭齋宮今欲乞候逐處修築絞縛了日

從禮部依自來大禮例定日同太常寺官將帶禮直官



等及應奉官司詣逐處按視詔依二十四日禮部太

常寺言勘會今來所建圓壇并墻燎壇並合用紅灰

泥飾及十二階陛并望祭殿內合用十二時立牌各一

十二面共二十四面下馬牌六面其牌欲乞行下文思

院計會太常寺指說製造所有合用紅灰令修建官司

一就計料泥飾施行劄付工部施行九月十七日尚

書省言勘會將來郊祀大禮太廟齋居逼近廟室致有

喧雜詔令禮部太常寺同臨安府相度地步增展上廟

窄隘宿齋處與神御殿逼近人跡喧雜行禮下肅可令

展套地步添蓋宿齋處所若要規模宏壯以舊日則不

可至於崇奉之意須當依舊也二十一日禮部侍郎王賞等言已降

指揮太廟齋居逼近廟室致有喧雜令禮部太常寺同

臨安府相度地步增展尋相度到太廟齋廳後隔牆南  
省倉內有教四間及傍有空地若拆去教屋其地南北  
九丈東西一十丈可以將見今絞縛齋廳移那向後兼  
北牆與別廟後牆一齊詔依 二十九日禮部太常寺  
狀勘會昨在京日圓壇并望祭齋宮省記得依條例合  
差宮壇戶各六人歲終打併掃洒照管除治草莽係下  
開封縣差取更不支破請給止與免戶下科配差使專  
一在壇祇應兼契勘今來圓壇應奉將來郊祀大禮畢  
其歲終常祀非泛奏告並合赴圓壇行禮務要清潔今  
相度不敢依在京條例差破壇戶止乞令臨安府責委  
錢塘縣巡檢司差人兵一十人專一在壇照管打併除

治草莽每季一替劉下臨安府依所申十月九日禮

部太常寺言郊祀大禮前一日朝饗太廟依例合自櫺

星門絞縛露屋曲尺接至大次前貯廊及大次上綵結

鳴鵠並乞下儀鸞司同臨安府依例施行詔依後皆

十月十三日禮部太常寺言修立郊禮儀注前祀三日

儀鸞司帥其屬設大次於外壝東門之內道北南向小

次於午階之東西向又設文武侍臣次於大次前隨地

之宜行事陪祠官宗室及有司次於外壝東門之外設

東方南方客使次於文官之後西方北方客使次於武

官之後設饌慢於內壝東門之外隨地之宜紹興十

四年八月十七日禮部太常寺言勘會望祭殿并端誠

殿兩廊等臨安府並行去拆了當將來十一月冬至祀  
昊天上帝若通行設從祀神位其望祭殿却合修葺今  
檢準紹興元年二月五日勅節文每歲祀祭天地止乞  
設正配位詔依勘會將來冬至祀昊天上帝依儀合於  
圓壇設正配位行事所有從祀神位緣望祭殿并齋宮  
未曾修葺欲乞權依紹興元年二月五日指揮施行詔  
依 十五年五月十四日詔祀天去處令臨安府措置  
務要嚴潔 十六年三月十一日詔圓壇令臨安府相  
度增葺 六月三日禮部太常寺言勘會將來車駕  
前一日赴青城合用齋殿等紹興十三年並係臨安府  
及鸞儀司承指揮絞縛排辦了當數內望祭殿當時係

太常寺具合用間數畫圖報臨安府絞縛幕屋所有今  
來大禮合用望祭殿乞依十三年體例令太常寺具合  
用間數畫圖報臨安府如法絞縛幕屋其青殿齋殿等  
亦乞依例令臨安府同儀鸞司絞縛施行詔就齋殿後  
量造瓦屋餘並絞縛幕屋 十九年五月三日禮部太  
常寺言太廟奉安所申乞修葺將來大禮齋殿等尋委  
太常寺主簿林大鼎相視得初獻廳後元搭葺齋殿地  
步其齋殿若遇大禮施行絞縛其木植甃埽物料等所  
用浩濶今來若行修葺別無妨礙貴得永久應奉車駕  
宿齋嚴潔免致逐番費擾今欲依本官相視到事理并  
齋殿兩壁合用屋宇乞下兩浙轉運 修葺詔依 七

月十二日禮部太常寺言大社令韓彥直公文乞每月  
遍詣諸壇壝齋宮檢視遇有修整去處本局申太常寺  
報臨安府修整施行今省記在京大社令每月詣諸壇  
壝齋宮檢視如有修整去處申太常寺報將作監行下  
所屬修整竊慮見今將作監別無所轄修造去處兼即  
今應修飾壇壝等並係臨安府應副今來欲乞依例下  
臨安府修飾施行詔依 十九年八月十九日禮部言  
臣僚上言臣近差祠皇地祇竊見齋宮在城外惠照院  
殿宇卑陋廊廡湫隘祭器樂舞之類皆隨宜安頓省牲  
視饌之處殆不容周旋仍咫尺營寨誼譁弗蠲甚非國  
家嚴恭事神之意臣竊按在京祠事郊外各有壇壝齋

宮今恐未能悉如舊制亦合於城外寬敞去處別創見  
齋宮所貴嚴潔不致褻慢况孟夏雩祀季秋時饗皆係  
祭祀上帝以配祖宗豈宜因陋就簡一切闕畧伏望令  
有司措置施行 詔令禮部太常寺同臨安府措置本  
府申相度得惠照寺望祭齋宮見今行路與營寨一處  
通行欲於西向築牆截斷於南向河內填築土橋一道  
通徹舊齋宮門出入所有殿宇今欲去拆攬簷及兩廊  
脫換損爛去處重行修整取令明爽及於西壁創建齋  
宮一所廳屋五間挾屋七間兩廊屋十八間充行事宿  
齋省牲視饌幕次所有營寨牆屋迫近欲乞朝廷割付  
殿前司行下本軍量行展入一丈免致喧譁外今措置

下項 一見今望祭殿東西廊係準備值雨行事往來  
升降及東廊係巡牲點饌并入就位升降立班其西廊  
依舊充大樂禮器庫 一欲乞將今來創建宿齋屋東  
廊從南第一間蓋貯廊通接齋宮西廊作角子門通過  
其常日乞令大社封鎖望祭殿門其鑰匙賞納太常寺  
官收掌遇行事令合千人請鑰匙開門放令祇應人鋪  
設 一初獻廳後更行修葺龜頭屋充聚廳習讀祝文  
位次詔依 二十五年十月太常寺言大禮所用幕次  
係臨安府應副排辦乞專委知府提調從之 孝宗隆  
興二年三月二十六日禮部太常寺言准正八月一日詔  
今歲冬至日當郊見上帝可令有司除事神儀物諸軍



賞給依舊制外其乘輿服御及中外支費並從省約仍  
條具以聞今條具下項 一勘會今來大禮朝獻景靈  
宮合用燎壇并朝饗太廟別廟殿室內合用神帳法物  
祭器神厨什物名件門戟并小次及七祀配饗功臣位  
次等并圓壇龕陛壇墻燎壇望祭齋殿大小次冊幄神  
厨什物等並係祀神儀物欲乞依逐次大禮體例關報  
臨安府等處修飾絞縛排辦施行外其端誠殿并青城  
及待班屋等乞令兵部同臨安府等處照應今降省約  
指揮條具申請施行 一太廟別廟廊廡神厨齋殿齋  
坊屋宇依逐次大禮例係兩浙轉運司臨安府檢計修  
飾今來太廟別廟殿宇欲乞依例修飾外所有齋殿并

其餘屋宇亦合省約乞差官檢計量行修飾施行後皆  
乾道三年二月十一日權發遣臨安府王爰劄子今月  
初一日內殿奏事面奉聖旨宣諭今歲郊禮務欲節省  
如寢齋在易安齋相去稍遠更不欲去只端誠殿後旋  
安排一寢殿可以省造露屋之類爰已奏恭領聖旨外  
緣本府見今計置合行事件欲望朝廷特賜覆奏行下  
以憑恭依施行詔依已得指揮 五年九月十一日太  
常少卿林栗丞陳損博士龔滂主簿馮仲夷言竊惟祀  
帝於郊在國之南就陽位也古今議禮者惟差參不齊  
然就陽之義未之有改伏見國家舉行典禮歲中祀上  
帝者四春祈夏雩秋饗冬報其二在南郊圓壇其二在

城西惠照院望祭齋宮蓋緣在京日孟夏大雩別建雩壇於郊邱之左季秋大饗有司設事就南郊齋宮端誠殿今來行在未建雩壇及端誠殿遂權就城西望祭齋宮然於就陽之義因天事天無所依據謹按唐武德貞觀開元國朝開寶興國祥符之間孟夏大雩季秋大饗皆即南郊圓邱行事皇祐二年始即大慶殿為明堂躬行嚴配之禮至每歲有司設事仍寓圓邱元豐五年始建雩壇於郊邱之左前此皆在圓邱欲望朝廷詳酌除三歲親祠自有典故外其有司攝事歲中四祭並即圓壇以遵舊制詔依 二十七日權禮部侍郎鄭聞員外郎范成大等言近准錄黃林栗等劄子為季秋祀上帝

乞於郊邱行事得旨已依所乞然尚有當議者蓋國初沿襲唐制一歲四祭 昊天上帝於郊邱謂祈穀大雩饗明堂祀圓邱也唯是明堂當從屋祭因循未正至元祐六年太常博士趙叡建言本朝親饗之禮自明道以來即大慶殿以為明堂蓋得聖人之意至於有司攝事之初乃尚寓於圓邱竊見南郊齋宮有望祭殿其間屋宇頗寬乞將來季秋大饗明堂有司攝事只就南郊齋宮行禮至元符元年又寓於齋宮端誠殿以此考之蓋既曰明堂當從屋祭故也前日寓祭於城西惠照齋宮以方位為非是今既改就南郊於禮為合但明堂當從屋祭不當在壇臣等竊見今郊邱之隅有淨明寺每祠

事遇雨望祭於此欲乞遇明堂親饗則遵依紹興三十一年已行典禮如常歲有司攝事則當依元祐臣僚所陳權寓淨明寺行禮庶合明堂之義詔依

中興禮書

郊祀禮殿太廟

淳熙十二年八月五日郊祀大禮提點一行事務所言皇孫進封平陽郡王赳赳起居等與宗室正仁同幕次今來郊祀大禮除景靈宮幕次從已降指揮外所有太廟青城宿齋幕次乞施行詔令別行排辦二十五日御史臺言勘會今來郊祀大禮前一日朝饗太廟至日圓壇行禮所有皇太子皇孫平陽郡王合用幕次皇太子前二日太廟宿齋今貼占齋殿前西壁四間前一日

圓壇宿齋今貼占龍華寺皇孫平陽郡王前二日太廟  
宿齋今貼占齋殿前皇太子幕次南壁四間前一日圓  
壇宿齋今貼占龍華寺東廊堂屋三間詔依 十月二  
十六日權發遣臨安府張均劄子奏伏見圓壇壇垣當  
郊之歲旋復營葺熙事告成又姑置而不問青城熙成  
一殿固所素有門禁不肅幾若通衢臣以為莫若俟今  
來禮成後將郊壇壇垣熙成殿宇嚴其扃鐃非時擅啟  
從本府量差使臣軍兵巡守守臣逐時檢察伏乞特降  
指揮施行詔依

宋會要 以下郊祀位次

仁宗慶曆元年十一月十五日詔免諸蕃太廟陪位其

宣德門景靈宮門外及南郊壇立班如故二十日親郊  
詔郊壇黃道褥改用緋絹奠幣登獻畢朕更不就小次  
並捲去簾幃以表恭事天地之意 四年十一月二十

五日合祭天地於圜邱始至壇下詔太常大樂六變無

壇減節不御小次徹黃道以盡恭肅之意舊制邱禮黃

至級其第一級接以緋屏至是盡令撤去神宗熙寧元年十一月十八

日昧爽合祭天地於圓邱帝至壇門却御蓋登壇撤黃

道褥不御小次命侍祠官勿回班以罄寅恭報本之意

四年二月十八日詔圓壇無用地衣

中興禮書 位次

紹興十三年八月五日禮部太常寺言檢會紹興十年

明堂大禮并前二日朝獻景靈宮前一日朝饗太廟行禮黃羅拜褥并飲福黃羅褥承指揮並改用緋所有今來郊祀大禮并朝獻景靈宮朝饗太廟行禮應合設皇帝拜褥未審依舊例用黃唯復依紹興十年禮例用緋詔依紹興十年例施行

後皆倣此

十日禮部太常寺言檢

會大禮令讀冊官讀冊至御名勿興壇殿上下徹去黃道袍褥入壇殿門不張蓋百官不得回班御燎從物織扇更不入壇殿行禮前衛士不起居呼萬歲所有今來郊祀大禮并朝獻景靈宮朝饗太廟欲乞並依上件令

文詔依

後皆倣此

宋會要



高宗紹興十三年十月禮部太常寺修立郊祀大禮儀  
注前祀一日奉禮郎禮直官設皇帝位版於壇下小次  
前西向飲福位於壇上午階之西北向望燎位於柴壇  
之北南向望瘞位於坎之南北向贊者設亞獻終獻位  
於小次之南稍東西向大禮使左僕射又於其南行事  
吏部戶部禮部刑部尚書吏部禮部刑部侍郎光祿卿  
讀冊舉冊官光祿丞位於大禮使之東糲祿丞奉禮郎  
太祝郊祀太官令位於小次之東北俱西向北上監察  
御史位二一於壇下午階之西南一於子階西北協律  
郎二一於壇上樂虛西北一於宮架西北俱東向押樂  
太常丞於登歌虛北押樂太常卿於宮架北良醞令於

酌尊所俱北向又設陪祀文武官位於執事官之南諸  
方客使在文官之南隨其方國光祿陳牲於東壝門外  
西向祝史各位於牲後太常設省牲位於牲西大禮使  
左僕射在南北向西上分獻官位於其後行事吏部禮  
部戶部刑部尚書吏部禮部刑部侍郎押樂太常卿光  
祿卿讀冊舉冊官押樂太常丞光祿丞奉禮協律郎太  
祝郊社太官令在北南向西上凡設太常丞以監察御  
史在吏部尚書之西異位稍却光祿陳禮饌於東壝門  
外道北南向太常設省饌位版於禮饌之南大禮使左  
僕射在南北向西上分獻官位於其後監察御史二俱  
在西東向北上行事吏部戶部禮部刑部尚書吏部禮

部刑部侍郎押樂太常卿光祿卿讀冊舉冊官押樂太  
常丞光祿丞奉禮協律郎太祝郊社太官令在東西向  
北上設進盤匱悅巾內侍位於皇帝版位之後分左右  
及奉盤者向南北奉匱者南向 祀日丑前五刻太常設大禮使已下  
行事執事官揖位於卯階之東內壝外如省牲位行事  
升壇飲福望燎望瘞禮詳見立向同唐 孝宗興隆二年  
正月一日禮部太常寺言准已降旨條具約省事如南  
郊皇帝位版亞終獻及公卿位版腰輿帕匝例合修製  
者止添黃羅夾帕一公卿位版七十番袞用餘止量行  
雅飾從之自後過郊並依此條具

中興禮書

郊祀考卷

郊祀奏告

紹興十三年六月二十三日禮部太常寺

言准御札今年冬至日有事於南郊合奏告天地宗廟

社稷宮觀據太史局申宜用六月二十七日壬子吉今

參酌到合行事件一合用御封降真香二十合天地宗廟

十二合報恩社稷光孝觀三合天慶觀乞下八內內侍省請降付太

常寺一合用祝文一十六首天地二首宗廟一青詞二

通天慶觀一通並述以今年冬至日有事於南郊合

祭天地奏告之意乞下學士院修撰書寫進書訖降付

太常寺內 懿節皇后祝文一首更不進請 一合用

幣帛二十段蒼五黃一白各長一丈八尺小尺下大府

寺行下左藏東庫支供赴太常寺 一奏告天地社稷

合用神位版并鋪設學生下太史局排辦差撥前一日  
赴惠照院齋宮祇應 一奏告天地合差奏告官一員

前一日赴惠照院齋宮致齋依禮例降勅差宰執 一

奏告太社太稷合差奏告官一員前一日赴惠照院齋

宮致齋天慶觀合差奏告官一員前一日赴本觀致齋

報恩光孝觀合差奏告官一員緣本觀別無屋宇欲乞

前一日於明慶寺宿齋至日赴本觀行事依禮例並降

勅差侍從官 一奏告官宗廟合差奏告官一員前一

日赴太廟致齋依禮例降勅差南班宗室 一奏告逐

處各差光祿卿奉禮郎大祝大官令並各前一日絕早

赴祠所致齋

內大祝差文人  
有出身人充

乞從太常寺請官及具員

數申吏部差官 一奏告天地宗廟社稷每位各合用

酒二升鹿脯一段每兩四兩重鹿鵲二合半真蠟燭三條每條

兩四縮酒茅一束其天慶觀報恩光孝觀每位各合用

酒二升鵝梨五顆開代以時法醬二合半真蠟燭三條每條

兩四及逐處合用香爐匙合炭火神席燎草粃盆並下

臨安府排辦詔依七十六年九月二日六月二十日用六月二十日

五年先用七月二日二十日續准指揮以來年正月隆慶二

年先用六月二十五日續准指揮以來年正月隆慶二

祀之辰恭見上帝於圖印再用十一月二十三日又准

詔改用故歲上辛又用十二月十四日乾道三年用六月

酒官令及排辦香幣青詞祝文禮料七月五日禮部太常

寺言奏告諸陵宜用七月九日甲子乞依禮例權於法

全唐文

惠寺設位奏告行禮今具合行事件下項 一奏告諸

陵合用表文二十八通并昭慈聖獻皇后攢宮表文一

通永祐陵攢宮表文二通懿節皇后攢宮祝文一首

並述

以今年冬至日有事於南郊合祭天地奏告之意 並下學士院修撰書寫訖降

付太常寺所有攢宮表文祝文乞令學士院一面降付

入內內侍省令所差齋香人一就齋降前去攢宮司內

懿節皇后祝文更不進書 一合用御封降真香內諸

陵二十八合昭慈聖獻皇后攢宮一合永祐陵攢宮三

合乞下入內內侍省請降付太常寺所有攢宮合用香

乞依例差人降付攢宮司內懿節皇后香更不進請

一奏告諸陵合差奏告官二員乞依例降勅差南班宗

室并合差太祝三員以文臣有出人充並前一日赴法  
惠寺致齋所有每位合用供養茶酒果蠟燭燎草等下  
臨安府排辦 一奏告昭慈聖獻皇后櫝宮并永祐陵  
櫝宮乞候香祝到日令紹興府一面選日差官及排辦  
供養茶酒果蠟燭等詔依九年六月十九日改於惠  
照院齋宮設位二十二年六月十九日隆興二年用  
七月十一日二十八年六月二十四日隆興二年用  
用六月二十九日續准指揮以來年正月陽之月零祀之  
辰恭見上帝再用十一月二十四日又准詔改用歲  
上辛又用十二月十五日是一年添祭告安穆皇后櫝宮  
乾道三年用六月十九日六年用六月二十四日是年  
添祭告安恭皇后櫝宮九年用六月二十二日尊寧三  
年用六月二十一日其降香表祝文奏告昭慈聖獻皇  
后櫝宮永祐陵櫝宮並如紹興十二年禮部言准都省  
與十三年之制

批送下八內侍省申大禮前豫告宮觀禮畢各作道



場一晝夜等後批送部看詳尋下太常寺看詳欽依紹

興十年體例於大禮前降香於行在天慶觀設道場一

晝夜罷散并禮畢亦降香於天慶觀設道場一晝夜罷

散詔依

紹興十六年至淳熙三年郊祀降香預告宮觀於天慶觀作道場并禮畢設道場並如紹興十

三年之制

八月五日禮部太常寺言今來郊祀大禮御札降

祭告五嶽四海四瀆其路通去處欲依紹興十年明堂

大禮例齋降香祝前去逐處祭告所有道路未通去處

亦乞依禮例於行在設位祭告今具合行事件下項

一道路未通去處係兗州東嶽天齊仁聖帝華州西嶽

金天順聖帝定州北嶽安天元聖帝河南府中嶽中天

崇聖帝萊州東海助順淵聖廣德王河中府西海通聖

廣潤王孟州北海冲聖廣澤王唐州東瀆大淮長源王  
河中府西瀆大河顯聖靈源王孟州北瀆大濟清源王  
所有設位祭告日辰據太史局申宜用八月八日壬寅  
吉其應合差官排辦香祝幣帛禮料等依禮例從太常  
寺開具闕報所屬差官及排辦於望祭齋宮設位行禮  
一路通去處係潭州南嶽司天昭聖帝廣州南海洪  
聖廣利昭順威顯王益州南瀆大江廣源王各合用御  
封降真香一合乞令入內內侍省請降各合用祝文一  
首並述以今年冬至日有  
事於南郊祭告之意乞令學士院修撰書寫進書  
訖並降付太常寺同禮料牒給付所差使臣齋降前去  
各合用幣帛禮料酒脯差官等乞從本寺開具牒報逐

州軍照會排辦及申吏部各差小使臣一員赴太常寺  
請領香祝并禮料牒前去逐州軍交割及下臨安府各  
差兵士一名擡擎香祝役使所有合用祭告日辰乞候  
香祝到日令逐州軍一面擇日排辦祭告詔依其路未  
十六年用七月十六日改於望祭齋宮設位十九年用  
七月十九日七月二十二年用七月二十三年用  
七月二十四日二十八年用七月二十九年用  
二月續准指揮以宋年正月陽之月一日隆興二年用七月  
於園卽再用十一月二十四日又准詔改用歲見上帝  
又用十二月十五日乾道二年用六月二十四日其路通去處  
依條例齋降香祝前去逐處祭告隆興二年唐州亦係  
路通去處降香祝前去祭告東瀆大淮  
長源王自後告謝東瀆止於行在設位九月十四日禮  
部太常寺言將來郊祀大禮前二日奏告太祖皇帝太  
宗皇帝配侑今具合行事件下項 一合用御封降真

香二合乞下入內侍省請降付太常寺 一合用祝

文二首並述以南郊前二日至日奏告乞下學士院修撰書寫

進書訖降付太常寺 一每位合用鹿脯一段兩重六鹿

鵜五合真蠟燭三條兩條重法酒四升并合用縮酒茅

藉祭器席拜褥并行事官幕次等乞下臨安府排辦及

儀鸞司同共釘設詔依紹興十六年至淳熙三年郊祀前二日奏告合用香祝等並如

十三年制十九年六月二十四日禮部太常寺言准御札

今年十一月十四日謁款於南郊契勘昨紹興十六年

郊祀大禮依禮例合奏告在京宮觀當時奏告天慶觀

報恩光孝觀昨紹興十八年修葺太一宮係在京宮觀

所有今來御札降即合依在京例奏告太一宮十神太

一十位詔依 隆興二年六月二十四日太常寺言郊

祀大禮奏告天地宗廟社稷宮觀其日依禮例皇帝前

後殿不視事詔依

凡遇奏告天地等差宰執行禮日並前後殿不視事

十一月

二十日禮部太常寺言昨准御札今年十一月二十九

日謁款於南郊已依逐次大禮奏告五嶽四海四瀆等

了當續准指揮以來年正陽之月雩祀之辰恭見上帝

於圜邱所有祭告外路嶽鎮海瀆香祝止乞依見今歲

中常祀禮例付進奏院入遞前去逐處詔依舊制郊祀

嶽鎮海瀆依吏部各差小使臣一員齋降香祝前去逐

州行禮是年冬至郊祀改作雩祀續又改上辛差官不

及逆有此請自乾道五年七月二十六日太常少卿林

栗等言伏見國家駐蹕東南東海南海實在封域之內

檢照國朝祀儀立春祭東海於萊州立夏祭南海於廣州其西海北遠在夷貊獨即方州行二時望祭之禮自渡江以後唯南海廣利王廟歲時降御書祝文令廣州行禮如東海之祠但以萊州隔絕不曾令沿海官司致祭粟等謹按東海祠隋祭於會稽縣界唐祭於萊州界本朝沿唐制萊州立祠元豐元年建廟於明州定海縣加封淵聖助順之後則東海之祠本朝累加崇奉皆在明州不必泥於萊州矣欲乞自今後立春及大禮告謝依見今廣州祭南海禮例闕報所屬請降香祝下明州排辦差官行禮詔依自後奏告天地宗廟太社太稷儀注前二日儀鸞司設行事執事官次於祠所前一

日質明行事執事官赴祠所清齋集告官齋所肄儀太

祝習讀祝文及祗禮饌香幣訖俱還齋所告日前三刻

禮直官贊者諸司職掌各服其服太常設神位席天地

席以藁秸餘以莞太廟別廟宮闈令入殿間室帥其屬掃除於神帷內鋪筵南向設几廷上如常儀太

史設神位版於壇上北方南向社稷位南太常陳玉幣

於神位之左玉加於幣上置諸篚太廟別廟及祠廟用幣祝版於

神位之右置於坵香爐并合置於案上以御次設祭器

皆藉以席光祿實之每位各左一籩實以鹿脯右一豆實以

犧尊一置於坵加勺幕在壇之東南隅北向實以酒社稷設

於西北隅南向太廟別廟於本空前太常設燭於神位

前洗二卯階之東北向太廟別廟於東階之東並盥洗在東爵

洗在壘在洗東加勺篚在洗西南肆實以巾若洗爵之

以西加勺執壘篚者位於其後設燎柴於壇之東南北向祇

開座坎於子階之北社稷於子階之東南向設望燎位於其北

告官在北南向之設望燎位則於南北向奉禮郎太祝在其

後西上設告官席位於卯階之東西向階之太廟別廟於東

廟唯此社稷於光祿卿席位於午階之南北向廟於殿別

庭之南北向社稷於壇之北南向唯奉禮郎太祝太

官令位於其東北向西上壇之太廟別廟祠廟準此社稷於

後又設奉禮郎太祝位於壇上之東西向北上禮即太

祝位稷壇上東向南上太廟別廟太官令於酒尊所北

於殿上之東西向北上祠廟準此太官令於酒尊所北

向社稷告日未明太常令帥其屬實饌具畢贊者引光



祿卿入就位凡告官行事禮直贊者曰再拜光祿卿再

拜升自卯階太廟別廟升自西階階凡行事執事官升降階准此點眡禮

饌畢退還齋所餘官各服祭服次引奉禮郎太禮太官

令先入就席位次引告官入就位太廟別廟告官既就

奉神主宮闈令入室搢笏於祐室內奉神主詣神帷內

於几後啟匱設於座以白羅巾覆之別廟以青羅巾覆

之執笏退復執事位祠祭禮直官稍前贊有司謹具請

行事贊者曰再拜在位者皆再拜次引奉禮郎太祝大

官令俱升就位立定次引告官詣盥洗位北向立社稷向

以下諸盥洗搢笏盥手悅手執笏升詣神位前搢笏跪

三上香祠廟搢笏次引奉禮郎搢笏西向跪社稷向執事

者以玉幣授奉禮郎奉禮郎捧玉幣授告官訖執笏興

詣神位前北向立搢笏跪執事者以爵授告官告官執

爵三祭酒奠爵執笏俛伏興少立若太廟別廟則告官出室戶外立

次引太祝詣神位前東向若太廟別廟則太祝於室搢

笏跪讀祝文訖執笏興復位若官詣太廟次室則太祝告

官再拜復位次引告官詣望燎位地祇社稷諸望瘞位

於神位前取幣祝版置於燎柴祠祇社稷諸望瘞位有司各

詣神位前取幣祝版置於燎柴祠祇社稷諸望瘞位次引奉

禮郎太祝降詛望燎位立定禮直官曰可燎瘞則日火

燎半柴瘞則奠禮真官贊禮畢引告官以下退廟宮闕

令闕戶以降太常奏告宮觀儀注 前二日儀鸞司

設行事執事官次於宮觀前一日質明行事執事官赴

本宮觀清齋集告官齋所肄儀太祝習讀青詞祝文眡  
禮饌香幣訖俱還齋所告日前三刻禮直官贊者諸司  
職掌各服其服太常設幣籩於神位之左青詞祝文於  
神位之右香爐合并置於案上以御次設祭器皆藉以  
席每位各左一盞實以右一豆實以著尊一置於坫加  
勺幕在殿上前楹間北向實以太常設燭於神位前  
洗二於東階之東北向盥洗在東壘在洗東加勺籩在  
洗西南肆實以巾若爵洗之籩則執壘匪者位於其後  
設燎柴於殿庭東南隅北向設望燎位於其北告官在  
北南向奉禮郎太祝在其後西上又設告官席位於殿  
下東階之東西向奉禮郎太祝太官令位於殿庭北向

西上又設奉禮郎太祝位於殿上之東西向北上太官  
令於酒尊所北向告日未明告官以下並常服以俟贊  
者引奉禮郎太祝太官令詣殿庭各就席位禮直官引  
告官就位凡告官行事禮直官稍前贊有司謹具  
請行事贊者曰再拜在位者皆再拜次引奉禮郎太祝  
太官令升殿就位立定次引告官詣盥洗位北向立搢  
笏盥手悅手執笏升自東階詣神位前搢笏三上香跪  
次引奉禮郎搢笏西向跪執事者以幣授奉禮郎奉禮  
郎奉幣授告官訖執笏興復位告官受幣奠訖執笏俛  
伏興再拜訖復位右諸以次神位則奉禮少頃引告官  
再詣盥洗位北向立搢笏盥手悅手執笏詣爵洗位搢

笏洗爵拭爵以授執事者執笏詣酒尊所西向立執事

者以爵授告官告官措笏跪執爵執尊者舉罍太官令

酌酒告官以爵授執事者執笏興詣神位前措笏跪執

事者以爵授告官告官執爵三祭酒奠爵天慶觀執恩

酒執笏俛伏興少立次引太祝詣神位前東向措笏跪

讀青詞祝文訖執笏興復位告官再拜復位神位則次

並祝告上官行禮少頃引告官詣望燎位有司各詣神位前

取詞幣置於燎柴次引奉禮郎太祝詣望燎位立定禮

直官贊曰可燎火燎半柴禮直官贊禮畢引告官以下

退外路告謝祠廟儀排辦事件幣帛一段長一丈八

二升鹿脯一段重四兩鹿糝二合半闕以羊肉醬代真  
蠟燭三條每條重四兩上香木炭二斤燎草一束祭器

如闕以常器代祭服闕以常服行事獻官一員以知州  
充如闕差以次官奉禮郎太祝太官令各一員以文臣  
充內大祝以本州候降到御書祝版御香擇日祭告凡

有出人充  
告報謝之前二日設行事執事官次於祠所前一日質  
儀准此

明行事執事官赴祠所清齋官給饌物不飲酒茹葷

辛唯祭告事得行其餘悉禁禮生引奉禮郎以下集告

官齋所肄儀太祝習讀祝文賦禮饌香幣訖俱還齋所

告日前三刻有司陳幣篚於神位之左幣以祝版於神

位之右置於拈香爐并合置於案上封以御次設祭器皆

藉以席每位各左一蓮實以鹿脯右一豆實以鹿醢犧尊一加勺

畢在殿上前楹間北向灑以設燭於神位前洗二在東

階之東北向盥洗在東壘在洗東加勺篚在洗西南肆

實以巾

昭又洗爵以爵

繼執壘

篚者位於其後開瘞坎於殿

庭西階之東方深取足容物設望瘞位於其南告官在

南北向奉禮郎太祝在其後西上設告官席位於東階

之東西向奉禮郎太祝太官令位於庭中北向西上又

設奉禮郎太祝位於殿上之東西向北上太官令於酒

尊所北向告日未明太官令率其屬實饌具畢禮生引

告官升自東階

凡行事執事官

升降皆自東階

點祇禮饌畢退各服祭

服次奉禮郎太祝太官令先入就位次引告官入就位

禮生贊有司謹具請行事禮生曰再拜在位者皆再拜

次引奉禮郎太祝太官令俱升就位立定次引告官詣

盥洗位北向立搢笏盥手悅手執笏升詣神位前搢笏

三上香乃跪次引奉禮郎西向搢笏跪奉幣授告官訖  
執笏興復位告官授幣奠訖執笏俛伏興再拜降復位  
少頃引告官再詣盥洗位北向立搢笏盥手悅手執笏  
詣爵洗位北向立洗爵拭爵以授執事者執笏升詣尊  
所向西立執事者以爵授告官告官搢笏跪執爵執尊  
者舉冪太官令酌酒告官以爵授執事者執笏興詣神  
位前北向立搢笏跪執事者以爵授告官告官執爵三  
祭酒奠爵執笏俛伏興少立次引太祝詣神位前東向  
搢笏跪讀祝文訖執笏興復位告官再拜降復位次引  
告官詣望瘞位有司各詣神位前取祝版幣置於次次  
引奉禮郎太祝降詣望瘞位立定禮生曰可瘞以犬寘



土丰坎禮生贊禮畢引告官以下退

中興禮書 郊祀陳八寶

紹興十三年閏四月三日工部言依奉聖旨製造車輅寶輿合要見在寶數照應造作尋申朝廷下門下後省契勘得九寶盃腰輿并沿寶法物係禁中收掌自有內符寶局官吏掌管其習儀虛腰輿行馬香案寶案席褥條帕燭籠并袋案衣係外符寶郎掌管今本省既不掌行寶不見得寶數遂再會到禮部見在寶數緣係禁中收掌即無文字見得若不申朝廷乞敷奏請降見在寶數無由照應製造詔係八寶七月十八日起居郎兼權給事中鄭朴言契勘已降指揮將來郊祀八寶導駕應

奉行禮今來門下後省見准兵部會問八寶行列次序  
前連後次一行人數執著服色等圖本除一行人數執  
著服色已回報外本省今省既得在京曰八寶名稱行  
列次序前連後次圖本下項詔依臨期進匣請降左一  
神寶右二受命之寶左三皇帝之寶右四天子之寶左  
五皇帝信寶右六天子信寶左七皇帝行寶右八天子  
行寶前連海旗後次方纓十九日禮部言門下後省申將來郊祀大  
禮奏請寶出及守視應奉行禮合差內外符寶郎等送  
部看詳尋下太常寺看詳下項 一在京曰奏請寶出  
合差內外符寶郎守視八寶應奉行禮昨降指揮內外  
符寶郎並罷今來郊祀大禮合差內外符寶郎今看詳  
欲依本省所申前期申朝廷指揮差官權攝 一將來

郊祀皇帝宿齋并應行禮處諸頓並合設寶幄安設八寶腰輿香案乞下儀鸞司相度至時釘設其實符郎守視八寶幕次於寶幄側近釘設今看詳欲依所乞一今來八寶合差奉寶次供輦官共二百二十六人今欲乞令御輦院於次供輦官內差撥曾經寶下應奉慣熟人員二人節級八人長行每寶止差四人餘數於下都輦官內貼差其授衛傳喝親從官人員已下共一百人亦乞令皇城使於應奉慣人內差撥仍乞令逐處前兩月發遣赴後省閱習今看詳欲依所乞一今來見製造八寶習儀虛盂腰輿行馬香案燭籠席褥帕袋案衣等物數目浩瀚昨在京日上件法物係於右掖門外御

廊上置寶堂五間安頓

門首掛金字額牌彫寶堂二字

專差皂院子二

人刺員四人看管今欲乞令臨安府於三省側近標撥

修葺仍依舊例造牌一面今看詳所乞修葺寶堂差人

看管緣即今行在郊祀行禮比之在京不同欲乞俟今

來郊祀大禮畢權令本省將前項法物交割付文思院

收掌

又禮部太常寺狀契勘後省乞於三省州近修葺寶堂今再看詳其公寶法物大禮前未有頓故去

處欲令後省指置於本省內權行安置候將來禮畢交付文思院

一引寶香案寶案

職掌共八人今乞將本省令史守當官各一名充引寶

職掌其引香寶職掌之人即於本省諸案人吏內差充

如不足乞從本省於中書省後指名抽差今看詳欲依

所乞詔依九月十四日禮部言門下後省具到八寶合

行事件送部看詳申尚書省本部下太常寺看詳到下  
項 一在京日請降進納八寶等文字係用外符寶郎  
之印昨緣符寶郎廢罷今乞用本省見行使之印今看  
詳欲依所乞 一在京遇大禮日車駕詣景靈宮太廟  
青城行禮八寶并引寶燭籠行馬內青城入壇餘處入  
殿於宮架之側隨宜安設其香案并引香案燭籠席褥  
油帕袋並止入殿援衛傳喝親從止至殿門候行禮畢  
寶出援衛不入壇殿今欲並依舊例施行所有引寶職  
掌奉寶并人員節級及打行馬執擎引寶燭籠輦官並  
合給入出壇殿勅號引香案職掌擡香案并執擎引香  
案燭籠席褥油帕袋法物等輦官並合給黃方號援衛

傳喝親從人員已下並合給黃長號欲乞臨期從本省  
據所差人數職次姓名移文所屬支給今看詳欲依所  
乞一引寶職掌在京日入壇殿往來安設八寶招引  
起止照管一行事務並許穿班越禁今欲將引寶職掌  
並許依舊例施行今看詳欲依所乞詔依十月十四  
日禮部狀准都省批下門下後省申勘會今來郊祀大  
禮習景靈宮太廟圓壇儀日八寶下祇應人並合服著  
常服除援衛親從各有頭帽紫衫服著外其奉寶執法  
物等輦官據御輦院差到近二百人並係殿前司軍兵  
充代輦官即無頭帽衫色竊見禮部捧冊等職掌乞用  
衫幘習儀已降指揮了當今欲乞將所差輦官逐次習

儀日並止服已造介幘緋衫習儀送部者詳尋下太常

寺者詳欲依所乞事理施行割付禮部依者詳到行下

本省照會

內引寶職掌二人後省申在京日服烏皮介幘降公服方心曲領革帶大帶襪履執笏

十七日門下後省太常寺言勘會今來郊祀大禮八寶

導駕詣景靈宮太廟圓壇行禮依儀合於壇殿內官祭

東西安設及奏請皇帝宿齋日八寶合陳於大慶殿上

今來地步比舊不同逐處隨宜相度下項一奏請皇

帝宿齋日八寶合陳於大慶殿上御榻前分東西安設

符寶郎等守視在側俟奏請宿齋畢奉寶歸幄所有將

來奏請皇帝宿齋日欲將八寶權於殿下分東西隨宜

安設符寶郎等守視在側奉寶輦官權約在後以俟奏

請皇帝致齋畢奏寶郎出行宮北門宿於寶幄

寶幄已承指揮

將都亭驛

一景靈宮殿內地步隘窄欲至日八寶導駕

至景靈宮於殿外宮架西南隨宜安設符寶郎等守視在側奉寶輦官權約在後俟皇帝行禮將畢奉寶導駕以次詣太廟 一太廟殿內除安設宮架二舞外今欲將八寶至日於殿內宮架之東西兩壁隨宜安設符寶郎等守視在側其奉寶輦官人數頗多欲權約出南神門俟皇帝行禮畢歸齋殿却行招引輦官入南神門奉寶歸幄以俟導駕詣青城 一圓壇至日八寶自青城導駕詣圓壇內於午階之南宮架之側隨宜安設符寶郎等守視在側奉寶輦官權約在後俟皇帝行禮將畢



奉寶前導還青城侯皇帝受賀將畢前導還內仍依儀  
自東壝門入出一將來如遇雨雪內圓壇皇帝望祭  
行禮依舊例更不安設宮架八寶外其奏請皇帝宿齋  
日欲於殿下東西兩廊上隨宜安設景靈宮太廟止將  
逐寶已造到油絹夾帕蓋搭其符寶郎等許令隨宜主  
班守視詔依 十六年六月二十二日門下後省言勘  
會將來郊祀大禮八寶導駕詣景靈宮太廟圓壇行禮  
依儀合於宮架東西安設今乞於前期從本省差人及  
關報太常寺差使臣禮直官一兩名同詣逐處相視隨  
宜申請施行詔依後並 十月十四日門下後省太常  
寺言今來相視到太廟圓壇有合申請事件下項 一

太廟內東西地步比十三年增展稍寬今欲將八寶至

日依儀於宮架東西隨地之宜安設

如過兩雪那移於廊上隨宜安設

一太廟圓壇宮架東西地步雖可以隨宜安設八寶緣

行禮將畢八寶却合前導內圓壇中遣并太廟八寶導

駕行路侵碍立班官及二舞欲乞至時量行隨宜趨那

許八寶赴赴前導其奏請皇帝宿齋并景靈宮等處安

設行禮並依十三年已得指揮體例施行詔依

此後做二

十二年八月十一日門下後省言勘會將來郊祀大禮

皇帝宿齋前一日請降八寶出外歸寶幄所有寶幄并

符寶郎幕次等昨十三年係將都亭驛充十六以後係

於天慶觀巷內空閑府第今欲乞依十六年體例令儀

驚司臨安府釘設排辦詔依 隆興二年三月三日禮

部言門下後省申為大禮八寶更不排辦事送部看詳

尋下太常寺看詳八寶係乘輿儀衛不係事神儀物乞

依昨明堂太禮體例更不排辦欲依本省所申事理施

行詔依乾道三年六月並做此乾道九年七月十八日門下後省

言契勘本省每遇郊祀大禮合排辦八寶昨自乾道元

年已後大禮更不排辦今檢照乾道六禮五輅已行應

奉了當所有將來郊祀大禮排設八寶導駕合與不合

依紹興二十八年以前體例排辦更合取自朝廷指揮

詔依例排辦淳熙三年做此淳熙十二年六月十五日門下後

省言將來郊祀大禮排設八寶導駕行禮未審合與不

合依淳熙三年郊祀大禮體例排辦詔依例排辦

卷五十四 筴計壹萬陸千四百一十。

金唐文

宋會要

郊祀鹵簿

八月庚辰朔內出御札以十一月十六日甲子有事南郊十一月辛酉<sup>時</sup>三宿齋崇元殿士戎服通天冠絳紗袍執鎮圭乘玉輅鹵簿前導赴太廟宿齋癸亥<sup>時</sup>五服袞冕執圭饗四室是夕陰翳及夜分開霽質明乘玉輅赴南郊合祭天地于負丘禮畢有司奏還宮當乘金輅帝曰朕欲乘輦可乎侍臣對無背於禮乃乘輦還

宋會要

真宗咸平二年八月二十九日禮儀使言皇帝自朝元門出玉輅出乾元門至太廟門禮畢迴伏至南薰門入

乾元門四處並左右金吾仗與閤門對鸞駕前勸箭請  
編入儀注施行從之 景德三年十月二十六日命殿  
前指揮使曹燦都虞侯鄭誠提點捧日奉宸隊及鹵簿  
儀仗使衛馬軍副都旨揮使張昊編排鹵簿儀仗御前  
忠佐馬軍都軍頭安玉步軍都軍頭朱顯編排捧日奉  
宸隊步軍都軍頭王樂鄭榮編排儀仗軍士十一月十  
六日詔將未出西京經畧景金耀門平頭門改乘小輦  
其金玉輅大輦並由城外過初有司言至西京具鑒駕  
儀仗皇帝乘大輦而城門早欲高廣之帝慮勞人故有  
是詔十二月三日禮儀使王欽若言汾陰路應車駕經  
由前三日坊市集止喪事從之陳堯叟等言硤石程路

當是聖壽

多山險少居舍詔侯至新安日駕前軍先赴張茅駕後  
軍馬上石壕令御前忠佐鹿信韓瓊於駕前  
二十一日詔定天書儀仗為一千六百人  
駕儀仗以中崇奉運至金若園以仗衛所省遂令益數至是始為定式賜諸司奉祀職掌  
裝錢衣服  
二十二日詳定所言車駕經西京合用儀  
仗其留司太僕寺見管車輅法物望令先次脩飭又朝  
覲壇仗衛請令諸司比御殿例於法駕內量取戟槊旗  
幡等陳設其陪位舉人以曾經省試者充並從之

宋會要

十年詔南郊行禮乘舊玉輅還內乘大輦其新玉輅更  
不隨行令後准此元豐元年七月二十三日禮院言按



儀注親親皇帝所過之門皆勘箭契自熙寧四年始罷勘箭而猶存勘契之禮若車駕入太廟皇城京城門鹵簿前仗已從門入而天子將至則復閉中門稽留玉輅竊詳此禮於衆人則通之於至尊則限之非所以為順也所有太廟及宣德朱雀南薰門勘契伏請不行明堂文堂殿門亦乞準此從之

### 宋會要

哲宗紹聖三年六月二十七日權尚書禮部侍郎黃裳等言南部用大駕鹵簿儀仗二萬六十一人明堂祫享用法駕計一萬八十八人今親祀北部備物則當用大駕如以盛暑之月稍減煩文即依明堂禮用法駕

鹵簿照依南郊用大駕鹵簿

徽宗政和四年正月二

十四日禮制局言夏祭用法駕合乘玉輅前降去乘大輦指揮乞賜裁酌詔乘玉輅二十七日夏祭大禮使言親郊詔乘玉輅緣方盛暑其大輦亦乞按習以備供進從之三月十三日詔齋宮至方壇往迴並乘大輦

三月二十九日手詔夏祭前一日備輦輅於宣德門聽旨如值雨乘逍遙輦五月九日龍圖閣學士兼侍讀

蔡攸奏有旨令臣夏祭陞輅執綬若御大輦乞騎從於玉輅之後從之十日乘大輦還齋宮解嚴放仗常服還內六年言者謂親祠天地皆乘玉輅以赴齋宮自齋宮至壇正當祀事之時九乘大輦疑非禮意下詔討論

七月五日禮制局言請造大輅如玉輅之制唯不飾以玉所駕之馬其數如之唯繫纓一就以稱尚質之義仍建大旂十有二旒龍章日月以協象天之義至禮畢還齋宮則御大輦於禮無嫌從之 七年正月二十七日禮制局言昨討論大駕六引開封令開封牧乘墨車兵部尚書禮部尚書戶部尚書御史大夫乘夏纓已經冬祀陳設訖所有駕士衣服尚循舊六引之制宜行改正況天子五輅駕士之服各隨其輅之色則六引駕士之服當亦如之請墨車駕士衣皂夏纓駕士衣皂質繡五色團花於禮為稱從之

全唐文

續會要

淳熙三年十月八日詔郊祀幹辦排連法駕鹵簿儀仗  
兵隊可更差王明一員

續會要

全唐文

宋會要

郊祀冕輅冠服

太祖乾德元年十一月大祀南郊十三日宿齋於崇元殿翌日服通天冠絳紗袍執鎮圭乘玉輅由明德門赴太廟朝享禮畢乘輅赴郊齋於帷宮十六日冕服執圭合祭天地于圜丘

十一月五日至祀昊天上帝于圜丘帝服靴袍乘輦至大次有司請行禮帝服大裘被袞冕以出至壇中道門外殿中監進大圭帝執以入

紹聖三年六月二十七日權尚書禮部尚書黃裳等言南郊朝祭服皆以羅綾為之今北郊盛暑之月難用恰

服謹按月令孟夏初衣暑服孟冬始裘朔依冕制度改  
用單衣從之又言天聖衣服全群臣朔服亦用絳紗單  
白紗中單之制即將來北郊朔祭服宜用紗為單衣詔  
今通天冠絳紗袍慮暑暑月令行裁制令入內因侍省  
選差使臣一員同有司詳定奏聞其朔祭服并用單紗  
十月三日詔朕若古之訓惟天為大天下萬物無以稱  
之故先以類而求祀於圜丘象其形莫以蒼璧倣其色  
冬日之至取其時大裘而冕法其幽而未有以體其道  
夫天玄而地黃元天道也朕荷天顧誕錫以元圭內赤  
外黑尺有二寸旁列十有二山蓋周之鎮圭有法乎是  
祇天之休予以昭事上帝而體其道過周遠矣將來冬

祀可指大主執元主庶格上帝之心以敷祐于下民永  
為定制 四年五月十二日皇帝親祭地方于澤前期  
一日尚輦奉御進輿於垂拱殿皇帝服通天冠絳紗袍  
來輿以出稱警蹕如常儀來黃金進玉輅於宣德門內  
左輔奏請降輿升輅玉齋宮明禋殿前迴輅南向左輔  
奏請降輅來輿入齋殿侍衛如常儀祭日皇帝服通天  
冠絳紗袍來輿至大次禮儀使等分立大次前有司奏  
請行事皇帝服衮冕以出行事奏禮畢解嚴皇帝裳服  
乘大輦還齋宮鼓吹振作皇帝升御座百官稱賀皇帝  
降座鳴鞭殿上侍立官以次退所司放伏還內如常儀

七年三月二十五日

詔夏祭百官朝祭服用絳

四

月十八日禮制局言按周禮祀昊天上帝則大裘而冕祀五帝亦如之享先王則衮冕祀昊天上帝則郊祀是也享先王則宗祀在其中蓋於大裘舉正位以見配位於衮冕舉配位以見正位伏請祀明堂衮冕從之隆興二年八月二十八日太常少卿洪适言准已降旨郊祀四止來平輦冠服令禮部官討論今討論欲視景靈宮太廟獻饗禮例郊祀畢皇帝自齋殿服履袍束平輦還內導駕官以常服前導其奉迎及侍中奏請升輦參知政事當輦奏請進發等合於見行依注內修改其自青城至大次并禮畢自大次還青城每郊係服通天冠絳紗袍今乞依上儀服冠袍束平輦並從之先是



二月八日因禮部奏有旨將來郊禮除玉輅逍遙平輦  
外餘車輦並從有約至是適言皇帝以朝服乘平輦禮容  
不相稱恐當用大安輦申審修飾乃詔有旨用平輦而討  
論冠服之制

宋會要

南北壇

宋初因舊制每歲冬至圓丘正月上辛祈穀孟夏雩祀  
季秋大享凡四祭昊天上帝親祀則并皇地祇位作壇  
於國城之南薰門外

宋會要

南北

紹興十三年二月二十五日領殿前都指揮使職事楊  
存中兵部侍郎程瑤知臨安府王渙權禮部侍郎王賞  
權太常少卿王師心祠部員外郎兼禮部段拂兵部員  
外郎錢時敏駕部員外郎王言恭太常丞葉庭珪太常  
博士劉嶠凌哲言同共出城相視園靈地步今於龍華

寺西空地得東西長一百二十步南北長一百八十步  
修築園壇除壇及內壇大尺依制度使用地步九十步  
外其中壇外壇欲乞隨地之宜用二十五步分作兩壇  
外有四十步若依先項地步修築兵部車輅儀仗殿前  
司禁衛皆可以排列其龍華寺地步修建青城并望祭  
殿委是圓備從之

宋會要 北郊壇

真宗景德三年三月二十七日太常寺言神明壇壇中  
有阬塹及車馬之迹入兩壇步數迫隘不合禮文望令  
改擇壇位及依令式封標諸壇外壇禁人耕墾樵牧奏  
可即徙壇於方丘之西焉八月九日詳定所上言祀汾

陰后土請如封禪以太祖太宗並配又按開寶通禮及義纂方丘之制八角三成每等高四尺上闊十六步設八陛上等陛廣八尺中等陛廣一丈下等陛廣一丈二尺為三重壇量地之宜四面開門為壝坎於壇之壬地外壇之內方深取足容物其后土壇望下經度制置使依此修築及依社首壇止用細土泥飾別無方色

宋會要

此部

哲宗紹聖三年八月十七日禮部言再詳定書郊壇制高廣丈尺已有元豐六年七月朝旨壇高一丈二尺設四陛其除治四面稍令低下以應澤中之制緣深廣丈尺別無典禮自外壇之外量宜除治其深廣令與壇壇

相稱仍於外壇四門外各留道路其祀祭官祿昭度等  
度北郊皇地祇壇東西一十六步步五尺凡八十尺南  
北如之周圍總六十四步計積尺三百二十尺壇身四  
壁四百五十六尺五寸看詳北郊外壇之外既除治合  
稍低下以應澤中之制又外壇四門之外當留道路以  
備親祀儀衛經由其廣闊合與外壇門相照今度南郊  
東外壇樞星三門南北共六十二尺南薰門外御路東  
西牆壁闊五丈五尺五寸今所留道路若只與外壇門  
相照亦自廣六丈有奇不妨儀衛往來從之仍令工部  
遣禮直官指畫增飾 四年四月十四日工部言禮直  
官指畫到壇心東西南北各四十尺上等陸八尺中等

陸一丈下等陸一丈二尺闊一丈二尺裏牆二十五步  
牆基三尺外牆二十五步牆基三尺東西南北四方總  
九百八尺內除東北兩壁別無增長地步外有四壁比  
舊增出五尺侵官道南壁比舊增出一丈三尺侵官道  
三牆牆四門各闊六十二尺壇身低處將高就低一例  
貼築并增飾一尺五寸外有櫺星門外牆之外量宜除  
治四面稍令低下欲乞自外牆外留五尺除治闊十丈  
以漸至中心深四尺擇日興工合得祭告從之

宋會要

此印

其從祭之祇升四鎮海濱與五行五嶽同位於第二而  
山林川澤丘陵墳衍原隰之祇位內壇之內如故及壇

並飾以黃色詔令楊戩依此修築五帝壇

宋會要

此部

元豐六年八月監察御史翟思言白帝壇地形北傾久  
雨積水無下地可決謂宜即高原廣阜改制乞下有司  
相視太常寺請下詳符縣命官同郊社令行視闕地改  
置從之 紹聖四年閏二月八日禮部工部言白帝壇  
宮乞移於庶人園從之

郊壇  
重覆

全唐文

宋會要

真宗景德三年四月太常寺言神州壇壝中有阬壑及車馬之迹又兩壇步數迫隘不合禮文建令改擇壇位及依今式封標諸壇外壇禁人耕墾然奏可即徙壇於方邱之西馬八月九日詳定所上言祀汾陰后土瑋如封禪以太祖太宗並配又檢閱寶通禮及義纂方邱之制八角三成每等高四尺上闊十六步設八陛上等陛廣八尺中等陛廣一丈下等陛廣一丈二尺為三重墮量地之宜四面開門為墜坎於壇之土地外墮之內方深取足容物其后土壇望下經度制置使依此修築



及依社首壇止用細土泥飾別無方色